



**REPÚBLICA DEMOCRÁTICA DE TIMOR-LESTE
MINISTÉRIO DAS FINANÇAS**

Dili- June 25, 2009

Media Release

Ministra Finansas no Jerente Jeral ba BPA anunsia nomeasaun ba BPI hanesan jerente esternu ba dahuluk ba Fundu Mina-Rai

Ministra Finansas, SEXA Emilia Pires, no Jerente Jeral ba Autoridade Bankaria no Pagamentu, Sr Abraão de Vasconcelos, hamutuk anunsia ohin katak jestaun E.U. \$1 billaun husi Fundu Mina-Rai hetan terseirizada ba Banku Pagamentus Internasionais (BPI).

Rejime foun ida ne'e signifika katak Fundu Mina-Rai agora mos hetan investimentu ba prazu naruk iha E.U. Notas Tezouru nian hanesan mos ba obrigasoens seluk emitadas husi governu estranjeiru. "Nomeasaun ba BPI hanesan jerente esternu ba dahuluk ba Fundus ida ne'e hanesan pasu inisial ba governu diversifika investimentu ba Fundu Mina-Rai hodi aumenta nia retornu esperadu no hadi'ak risku difersifikadu", dehan Sra Emilia Pires, no hatutan, 'Nomeasaun ba BPI signifika katak agora ami investe besik persentu 10 husi Fundu Mina-Rai, iha gama luan ida tan ba titulu'.

BPI hetan mandatu atu jere portfolio ida ba titulu soberanu no supranasionais, inklui denominadu balun ho moedas estranjeiras. Dezempeñu ba referénsia bazeia iha obrigasoens, inklui sira ne'ebé emitidu husi governu Estadu Unidus, Australia, Uniaun Europeia, Japaun, no Reinu Unidu.

BIP hanesan organizasaun internasional mak iha akordu atu jere portfolio kona-ba baze iha naun-komersial. 'Asionistas BPI nian mak banku sentral boot iha mundu', dehan Sr Abraão de Vasconcelos. "Ne'eduni, BPI iha esperiensa barak iha jestaun ba banku sentral no fundu soberanu, no ami konfiante katak jestaun timorensen ba Fundu Mina-Rai sei benefisia husi esperiensa naruk BPI nian hodi tulun nia membru jere sira nia rezerva nasional".

Terseirizasaun ba jestaun husi parte portfolio ba BPI la signifika entrega kualker fundu ba organizasaun esterna ruma. 'BPI sei fo ba BPA ho servisu ba jestaun ba fundu', "maibe investimentu hotu halo husi BPI sei kontinua realiza husi Fundu Mina-Rai global ba kustodianten ho BPA nia naran hanesan jester operacional Fundu Mina-Rai nian."

Sra. Pires no Sr de Vasconcelos agradese funsionariu Ministeriu Finansas no BPA, no membru Konsellu Konsultativu ba Investimentu, mak serbisu ba nomeasaun ida ne'e. 'Negosiasaun ho BPI sai agradavel tebe-tebes', sira dehan, "tanba ida ne'e mak primeira vez ita halo terseirizasaun jestaun parte rikeza nasaun nian, ita nia funsionariu durante negosiasaun tenke halo ho kuidadu didi'ak ho perguntas kompleksu barak relasionadu ba investe iha merkadu finanseiru internasional, pela primeira vez.'

Esperiensa mak ema hotu ne'ebé envolvidu hetan hanesan inestimavel ba nomeasaun ba futuru komersial jester fundus nian, ne'ebé permite investimentu Fundu Mina-Rai nian tenke investe iha klase ativu foun hodi produz retornu aas-liu, aumesmu tempu iha jestaun di'ak ida kona-ba risku finanseiru. Sira observa katak Fundu Mina-Rai Timor-Leste sai hanesan dezempeñu fundu soberanu di'ak ida iha mundu iha tinan kotuk liu, maibe prosesu ba halo diversifikasaun sei prezisa tan. "Embora investi iha titulu governu E.U. nian prova hanesan pozisaun di'ak mak foti iha tinan kotuk", dehan Sra Pires, 'importante ba diversifika portfolio ba futuru tuir konformidade ho prinsipiu didi'ak ba jestaun portfolio nian ne'ebé rekoñesidu tebe-tebes.

Governu sei kontinua esplora fleksibilidade ne'ebé permite Lei ba Fundu Mina-Rai ba investe tan ba aumenta retornu esperadu ho menus risku mak atualmente posivel".

RAMATA.

Kona-ba Banku ba Pagamentu Internasionais

Banku ba Pagamentu Internasionais (BPI) hanesan organizasaun internasional mak promove ko-operasaun monetaria no finanseira internasional no serbi hanesan bank ba banku sentrais.

PBI dezempeña mandatu ida ne'e, atuandu hanesan:

- forum ida ba promove diskusaun no analize politika entre banku sentrais no iha komidade finanseira internasional nia laran.
- sentru ba investigasaun ekonomika no monetaria
- privilejiada kontraparte ida ba banku sentrais iha sira nia transaksaun finanseiras
- ajente ka mandatu ho ligasaun ho operasoens finanseiras

Sede iha Basileia, iha Suisa no, iha representasaun rua: husi Hong Kong Rejiaun Administrativa Espesial ba People's Republic of China no iha Mexico City.

Fundada iha 17 Maiu 1930, BPI hanesan organizasaun internasional finansieru antigu liu iha mundu. Tanba sira nia kliente mak hanesan banku sentrais no organizasaun internasionais, BPI la simu depozitu ba, ka presta servisu finanseiru ba, individu partikulares ka empresas.

Informasaun tan kona-ba Banku ba Pagamentu Internasionais iha disponivel iha www.bis.org

Informasaun kontaktu:

Informasaun bele enkamiña ba Venancio Alves Maria, Diretor Ezekutivu ba Jestaun Fundu Mina-Rai iha BPA. PO Box 59, Dili, Timor-Leste. Telefone +670 331 3718 ka ba email:

venancio.maria@bancocentral.tl.